

საქართველოში სოკოებივით მომრავლდნენ „ოჯახის დაგეგმვის ასოციაციის“ („ოლა“) მემკვიდრე და სახელმწიფო ორგანიზაციები და სამსახურები, რომლებიც რეპროდუქტიული ჯანმრთელობის დაცვის ღონისძიებით ინიცირებდნენ. შშობლებისა და ბავშვების ჯანმრთელობაზე ვითომ ზრუნვით შენიღბულნი, ხელმძღვანელები რა ქაიროს კონფერენციის რეკომენდაციებით, ოჯახის დაგეგმვის ეს აბოლოგეტები მიზნად ისახავდნენ ჩვენს ქვეყანაში შობადობის მკვეთრ შემცირებას. მათ შემუშავებული და მრავალ ქვეყანაში აპრობირებული აქვთ სექსუალური განათლების პროგრამა, მისი საშუალო სკოლებში დანერგვის პრაქტიკა, რაც გულისხმობს ბავშვებისათვის ე.წ. „უსაფრთხო სექსის“ მეთოდებისა და საშუალებების გაცნობა-სწავლებას, ჰომოსექსუალიზმის პროპაგანდას და ა.შ. ახლა უკვე იგივეს საქართველოშიც ცდილობენ.

დაგეგმილია და უკვე ხორციელდება მოზარდი თაობის კონტრაცეპტული პროდუქციის მომხმარებლად, აღვირახსნილი ვნებების მსახურად გადაქცევა. ასეთი განათლება და სწავლა ანგრევს და ამახინჯებს მოზარდის ჯერ კიდევ ჩამოუყალიბებელ ფსიქიკას, ბავშვობის ასაკშივე აღმოფხვრის სირცხვილისა და მორიდების გრძობას, უბიძგებს ადრეული სქესობრივი ცხოვრებისაკენ. შედეგი თითოეული პიროვნებისათვის სავალალოა – წართმეული ბავშვობა, შერყეული ჯანმრთელობა, დაცემული ზნეობა, დაკარგული მისწრაფება წმინდა მეუღლეებრივ ერთგულებაზე დამყარებული ოჯახისადმი, სიწმინდის, უბიწოების, ქალწულების ცნებების აბუჩად აგდება. ეს კი ერის ზნეობრივი გადაგვარების, სულიერი დეგრადაციის, საბოლოო დაცემისა და განადგურების დასაწყისია.

ამ პოლიტიკის ტაქტიკა და სტრატეგია არ არის ახალი. ასე მაგალითად: ნაცისტები იმისთვის, რომ შეემცირებინათ დაპყრობილი ერების სიცოცხლისუნარიანობა, ოკუპირებულ ტერიტორიებზე

გულმოდგინედ ნერგავდნენ პორნოგრაფიას, მაშინ, როცა თვით გერმანიაში იგი სასტიკად იყო აკრძალული. 1939 წელს პოლონეთის ოკუპაციის შემდგომ გამოცემულ დეკრეტში ვკითხულობთ: „დაშვებულ და მხარდაჭერილ იქნას ყველა ღონისძიება, მიმართული შობადობის შემცირებისაკენ. მოიხსნას აკრძალვა აბორტზე. აბორტისა და კონტრაცეფციის საშუალებები მოსახლეობას უნდა შევთავაზოთ დიად, ყოველგვარი პოლიტიკური შეზღუდვების გარეშე. მოხდეს ჰომოსექსუალიზმის ლეგალიზაცია. აბორტებით პროფესიულად დაკავებულ კერძო პირებსა და ორგანიზაციებს ხელი არ შეეშალოს“. 1941 წელს ჰიტლერის დეკრეტით, ეს პოლიტიკა გავრცელდა აღმოსავლეთ ევროპის სხვა სახელმწიფოებზეც. ასევე იაპონელები დაპყრობილ მანჯურიაში ყოველმხრივ უწყობდნენ ხელს ადგილობრივ მოსახლეობაში პორნოგრაფიული პროდუქციისა და ნარკოტიკული ნივთიერებების გაყიდვას. ამავე დროს იმავე პროდუქციის შექმნა მკაცრი სასჯელის მუქარით ეკრძალებოდათ თავად იაპონელებს.

სექს-განათლების მხარდამჭერები საკუთარ პოზიციას თითქოსდა იმის შიშით ასაბუთებენ, რომ სულ უფრო იზრდება ბავშვთა და მოზარდთა ასაკში ორსულობის, აბორტის, ვენერიული დაავადებების, სექსუალური ძალადობის რიცხვი; რომ, თითქოს, ადრეული ბავშვობის ასაკიდან (ხაზს ვუსვამთ – სკოლის დაწყებითი კლასებიდან, ე.ი. 6 წლიდან) უსაფრთხო სექსის მეთოდების დაუფლებით, ბავშვები მთელ რიგ პრობლემებს აიცილებენ თავიდან.

ცრუთა და სიცრუის მამის მსახურთა სამხილებლად მოვიყვანთ იმ ქვეყნების სამწუხარო გამოცდილებას, რომლებმაც აღნიშნულ საკითხში ათწლეულებით გაუსწრეს საქართველოს. მაგალითად, აშშ-ში სექსუალური განათლების პროგრამა 1970 წელს დაინერგა. ამერიკელი მეცნიერების მიერ მოწოდებული სტატისტიკური მონაცემებით 70-იან

წლებში აღინიშნა არასრულწლოვანთა აბორტებისა და გაუპატიურების მკვეთრი ზრდა (1975 წლამდე 45%-ით), შიდსის დაავადებამ ეპიდემიის ხასიათი მიიღო – ყოველ 15 წუთში იღუპება ერთი ადამიანი. ყოველ 13 წამში ერთი თინეიჯერი ავადდება რომელიმე ვენერიული დაავადებით, აღინიშნა მამაკაცური და ქალური ჰომოსექსუალიზმის კატასტროფულად ზრდა. აღმოჩნდა, რომ აშშ-ის მთელ რიგ ქალაქებში სექსუალური აღზრდის გაკვეთილებს სწორედ ოფიციალური ჰომოსექსუალისტები ატარებენ.

საზოგადოებისათვის ინტერესმოკლებული არ იქნება დასავლეთის ქვეყნებში წლების მანძილზე დაგროვილი მეცნიერული მასალის გაცნობა, რომელიც ქალის ორგანიზმზე ჩასახვის საწინააღმდეგო საშუალებების დამრუპველ გავლენას ეხება. საერთაშორისო ონკოლოგიური ჟურნალის მონაცემებით, სარძევე ჯირკვლების კიბოთი დაავადების რისკი 90%-ით იზრდება იმ ქალებში, რომლებიც ორალური კონტრაცეპტივების რეგულარული მომხმარებლები არიან.

ცხადზე უცხადესია, რომ „დამგეგმარებლები“ სექს-განათლებისა და კონტრაცეფციის აბოლოგეტები ამ ქვეყნად საღმრთო წესრიგის დამანგრეველი და ქრისტეს ხილული თუ უხილავი მტრების ხელში არსებული მძლავრი იარაღები არიან, ჩვენი საუკუნოვანი ეროვნული ტრადიციების დასანგრევად და ფასეულობათა ახალი სტრუქტურის, ახალი ზნეობრივი ნორმების, სახარებისეული მცნებების საფუძველს მოწყვეტილი ცხოვრების ახალი წესების დასანერგად არიან მოწოდებულნი.

მოგმართავთ თანამემამულეებს და გული მწუხარებით გვევსება – ვაჟკაცობითა და მაღალი ზნეობით ოდესღაც ცნობილი ქართველობისათვის დღეს იმის მტკიცება გამხდარა საჭირო, რომ დაუშვებელია, წარმოუდგენელია სასკოლო

მერხებთან მსხდომ ჩვენს შვილებს, ჯერ კიდევ სულ ბავშვებს სულთ მახინჯი ადამიანები ჩასახვის საწინააღმდეგო საშუალებებით სარგებლობას, ქალწულების უსაფრთხოდ დაკარგვის მეთოდებს, ჰომოსექსუალური ცხოვრების ნიუანსებს ასწავლიდნენ, ბავშვთა უფლებების დაცვის საბაბით კი მათ მშობლებისა და ოჯახის უგულბელყოფას, ურჩობასა და ეგოიზმს უნერგავდნენ

მოგმართავთ თქვენ, ჩვენი ეკლესიის მწყემსებო. ხმა აღიმალღეთ ღმრთის სასუფევლის დამკვიდრებისათვის მოწოდებული ადამიანის უკვდავი სულის წინააღმდეგ დაგვემძლი უმაგალითო ბოროტმოქმედების აღსაკვეთად.

მოგმართავთ საქართველოს განათლების სამინისტროს, საკანონმდებლო ხელისუფლების, გენერალური პროკურატურის ყველა პატიოსან წარმომადგენელს, იხმარეთ ყველა თქვენთვის მისაწვდომი საშუალება ერის ფიზიკური და ზნეობრივი გენოციდის წინააღმდეგ.

ყველა თაობის პედაგოგებო, სკოლების დირექტორებო, სამეურვეო საბჭოს წევრებო, ჩვენი და ჩვენი შვილების აღმზრდელებო, ნუთუ დაივიწყებთ თქვენს მაღალ მოწოდებას, ნუთუ თქვენს სკოლებში ფეხს დაადგმევინებთ უზნეო სწავლებასა და გაუკუღმართებული ფსიქიკის ადამიანებს. მაშინ, დაე, ნუღარ იხსენება თქვენი სკოლების კედლებში შუშანიკ დედოფლის, აბო თბილელის, ვახტანგ გორგასლის, დავით აღმაშენებლის, თამარ მეფის, შალვა ახალციხელის, ქეთევან წამებულის, ბიძინა ჩოლოყაშვილისა და სხვათა და სხვათა სახელები.


მშობლებო, არ მოტყუვდეთ „სექსუალური აღზრდის“ გაკვეთილების ახალი დასათაურებით (იქნება ეს „ოჯახის დაგვემძის საფუძვლები“, „ჯანსაღი ცხოვრების წესი“, „რეპროდუქტიული ჯანმრთელობა“, „სქესობრივი აღზრდა“, „ჰიგიენა“, „თავდაცვა“ თუ კიდევ სხვა რამ). იცოდეთ, რომ ამ

გაკვეთილებზე თქვენს შვილებს ასწავლიან პრეზერვატივებით სარგებლობას, უჩვენებენ გენიტალიების, სქესობრივი აქტის გამოსახულებებს, უნერგავენ წინასწარგანწყობას ჰომოსექსუალიზმისა და სხვა გადახრებისადმი. იქ თქვენს შვილებს შეასწავლიან, რომ ერთ-ერთი უმძიმესი ცოდვა – სიძვა-მრუშობა, სასიამოვნო თამაშია, ცხოვრების ერთ-ერთი საშუალებაა; იქ „მოძლიმარი“ დეიდები თქვენს საყვარელ გოგონებსა და ვაჟებს ასწავლიან „სექსუალურ ცხოვრებას ზედმეტი პრობლემების გარეშე“, და თუ ეს „პრობლემები“ მაინც თავს იჩენს, გოგონებს წინასწარ ეცოდინებათ მისამართი, სადაც მშობლებისაგან ფარულად გაუკეთებენ აბორტს. დარწმუნებული იყავით, ეს მექანიზმი შეუფერხებლად იმოქმედებს ამერიკასა და ევროპაში გავლილი მრავალწლიანი პრაქტიკის წყალობით.


დედებო და მამებო, თანახმა ხართ, რომ:

- თქვენმა შვილმა 10-12 წლიდან დაიწყოს სქესობრივი ცხოვრება?
- თქვენი შვილები დაავადდნენ შიდსით ან ვენერიული დაავადებებით?
- თქვენი საყვარელი გოგონები სკოლაშივე გააუ-პატიურონ და აბორტი გაუკეთონ?
- თქვენი შვილები გახდნენ მეძავეები და ჰომოსექსუ-ალისტები?

არა ხართ თანახმა? მაშინ ხმამაღლა გამოთქვით პროტესტი სკოლებში „სექს-განათლების“ შემოღების წინააღმდეგ. აუკრძალეთ საკუთარ შვილებს ამ გაკვეთილებზე დასწრება. მოსთხოვეთ სკოლების ხელმძღვანელობას „სექსუალური განათლების“ აკრძალვა. ნუ იქნებით მოღალატენი, დაიცავით უმწეო ბავშვები, იღონეთ ყოველივე რაც თქვენს ძალებშია.



მართლმადიდებელ მშობელთა ასპირის
მიმართვა



იხმედება უმეოფირულობით
პრცედლება უფასოდ
(სხვასაც წააკითხეთ)